

**O MEA E TUTUPU I LE
MUTA'AGA O LE
LALOLAGI**

LEY
I

II

III

IV

DE DIOS
V

X



"Ia e faatau mai le mea moni, aua lava le faatau atu; atoa foi ma le poto, ma le a'oa'oina, ma le atamai" (Faataoto 23:23)



O le maualuga o le a faailogaina ai le iuga o le talafaasolopito o le tala'iga lea o le Talalelei i le lalolagi aoao (Mataio 24:14).

O lenei tala'iga o le a muamua ona liligiina mai o le Agaga Paia, e faapei o le agaga lava lea e tasi na afio ifo i le aso Penetekoso. O lenei tulaga ua faailoa mai o se “uaga mulimuli”.

O ai latou te mauaina lea uaga mulimuli? Oi latou o e ua filifili ia faamaoni i le Atua, usiusitai i Ana poloa'iga, ma vivii atu ia te Ia e tatau ai. O le a faailogaina i latou i le “faamaufaailoga a le Atua soifua.” (Faaaliga 7:2).



Sauniuniga mo mea e tutupu i le iuga:



Taitaiina e ala i le Upu



Faailogaina i le muāulu



Faamaoni i le tapua'iga



O le Mana mai luga:



O le uaga mulimuli



O le tala'iina o le Talalelei



SAUNIUNIGA MO FAAFITAULI E TUTUPU I ASO AMULI

TA'ITA'IINA E ALA I LE UPU

"O Lau afioga o le sulu lea i o'u vae, ma le malamalama i o'u ala" (Salamo 119:105)

E te iloa o fea e maua ai le upu moni e uiga i le iuga o le lalolagi? O lenei le ala:

"Ia e faatau mai le mea moni, aua le faatau atu" (Faat. 23:23)



"E iloa foi e outou le mea moni" (Ioane 8:32)

"O Lau afioga o le upu moni lea" (Ioane 17:17)

"O le faaaliga mai o Au afioga e faamalamalamaina ai; e faalotomatalaina ai e ua faigofie" (Salamo 119:130)

I le taimi mulimuli, o le a faatagaina ai Satani e faatinoina ni mea ofoofogia moni lava ma faia ni faiga taufaasesē e matuā ma'ale'ale lava ina ia le mafai ona tetee atu i ai (Faaaliga 13:13-14; Mataio 24:24).

Ua na o le iloa atoatoa o le Tusi Paia, faatasi ai ma le fesoasoani a le Agaga Paia, o le a mafai ai ona tatou tutumau ma le mausali i le upu moni (2Peteru 1:19-21).




FAAILOGAINA I LE MUĀULU

“Na a’u iloa, faauta foi, ua tu mai le Tama’i mamoe i le mauga o Siona, ua faatasi foi ma Ia tagata e selau afe ma afe e fa sefulu ma le fa o afe, ua tusia le suafa o Iona Tamā i o latou muāulu” (Faaaliga 14:1)

O le faamaufaailoga a le Atua ua faailoa mai i ni auala eseese se tolu:

1. O le Agaga Paia. O tagata talitonu i augatupulaga uma ua faamaufaailogaina faatasi ma Ia (Efeso 4:30).
2. O le suafa, poo le amio a le Atua. Oi latou uma e ausia le manumalo o le a mauaina lea (Faaaliga 14:1; 22:4).
3. O se faailoga e iloagofie (Faaaliga 9:4; Esekielu 9:4).

Na tuu e le Atua se faailoga i se tasi o Ana poloaiga e 10, e fai ma faailoga e tulaga ese mai i a’i latou uma o e tapua’i atu ia te Ia (Esekielu 20:20).



Vaega o se faamaufaailoga	Faataita’iga: tupe Europa (Sepania)	O le Sapati (Esoto 20:8-11)
Igoa	Filipo VI	Ieova
Agavaa/tomai	Tupu	Foafoa
Nofoaga	Sepania	Lagi, laueleele ma le sami



FAAILOGAINA I LE MUAULU

“Na a’u iloa, faauta foi, ua tu mai le Tama’i mamoe i le mauga o Siona, ua faatasi foi ma ia tagata e selau afe ma afe e fa sefulu ma le fa o afe, ua tusia le suafa o lona Tamā i o latou muāulu” (Faaaliga 14:1)



O le faamaufaailoga, poo se faailoga e mafai ona maua i ni auala eseese se lua: o luga o le muaulu poo le lima foi. A’o le au faamaoni o le a talia lea i o latou muaulu, o le au le talitonu o le a talia i o latou muaulu poo o latou lima (Faaal. 13:16). O le a lo latou eseesea?

Muaulu

**TALITONUGA
MAUMAUTUTŪ**

**Talitonu i Le o
loo tatou tapuai
i ai**

Lima

**TAUI (mauaina o
se tau i e faavae i
luga o se mea)**

**Tatou te tapuai
fefefe ona o ni
aiaiga**



E le popole lava Satani e uiga i ni mafuaaga mo ni tapua’iga, peitai le Atua e taliaina na o le tapua’iga e faamaoni ma atoatoa (Roma 12:1).

TAPUA'IGA FAAMAONI

“Ina ia le mafaia ona faatau mai pe faatau atu e se tasi, tau lava o e ua i ai le faailoga, poo le igoa aofai o lona igoa” (Faaaliga 13:17)

Oi latou o e le taliaina le faailoga o le manu feai e le mafai ona faatau mai pe faatau atu, ma e faamata'uina foi i le oti (Faaaliga 13:15-17). I le isi foi itu, pe afai latou te taliaina o le a mafatia i latou i mala mulimuli ma le “oti faalua”, ma lē mauaina le ola e faavavau (Faaaliga 16:2 ; 14:9-11; 20:4, 13-15).



A'o le a le faailoga o le manu feai? O se tui, o se numera e faitauina i le masini, nisi ituaiga e pulea le tino mai?



Pe afai o le Sapati o se faailoga vaaia (iloga) o le au faamaoni, e le o le a tutusa ea o la natura ma le faailoga o le manu feai?

Ona talu ai e le o ta'ua mai i le Tusi Paia o soo se suiga lava o le aso e tapuai ai, o le taliaina la o le Uluai aso o se aso tapuai, o le taliaina lava lea o le pule a le Ekalesia na faia lea suiga (ua faailoaina mai o se fuainumera, 666). O le faailoga lava lea o le tagata (Faaaliga 13:18).



O le a la le pule e tatau lava ona tatou talia? O le pule ea a se faalapotopotoga faale-tagata poo le pule a le Atua, o loo manino lava ona faaalua mai i Lana Afioga Paia?



O LE MANA MAI LUGA

O LE UAGA MULIMULI


“O outou foi o le fanau a Siona e, ia outou fiafia ma olioli ia Ieova lo outou Atua; aua ua ia foaiina faatatau mai ia te outou le uaga muamua, na te faatotoina ifo foi le ua mo outou, o le uaga muamua, atoa ma le uaga mulimuli i le masina muamua” (Ioelu 2:23).

O loo faaaogaina e le perofeta o Ioelu le timu o se ata faatusa mo le liligiina mai o le Agaga Paia (Joel 2:23, 28). O loo toe faaata mai ai foi le faaaogaina e Peteru i lana lauga i le aso Penetekoso (Galuega 2:14-17).

O lenei “timu” e aumaia ai le iloa o le Atua (Hosea 6:3). I lona taimi, na ia liua ai le tolu afe o tagata i le aso e tasi (Galuega 2:41).

I le tala o le tau Metitirani i le nofoaga sa nonofo ai Isaraelu, o le uaga muamua (ia Oketopa) e saunia ai le fanua/laueleele mo le totōina. O le uaga lona lua, ua ta’ua o se uaga “mulimuli ane” (ia Aperila), e avatua le malosi i le fogaeleele e fua mai ai fatu ua totōina

E faapei ona amata le Ekalesia i le uagaina mai o le Agaga Paia, e faapea foi le alagaina mulimuli o le talalelei, o le seleselega mulimuli, o le a tupu pe a uma ona liligiina mai o le uaga mulimuli: na liligiina ifo e le Agaga Paia le mana i luga o le au talitonu o tupulaga amuli (Faaaliga 18 :1).





O LE TALAIINA O LE TALALELEI

“Ua mavae ia mea, ona ou iloa atu lea o le agelu o loo alu ifo i le lagi, ua ia te ia le pule sili; ua malamalama foi le lalolagi i Lona pupula” (Faaaliga 18:1)

Na vaaia e loane le “tasi agelu” ua alu ifo ma le mana. O le mamalu o lenei agelu sa faatumuina ai le lalolagi atoa (Faaaliga 18:1). O le a se feau o loo folafolaina mai e lenei agelu?

O le feau a le agelu lea e tutusa ma le feau a le agelu lona lua: Ua pa’u Papelonia le aai tele, aua ua ia faainu i nuu uma i le uaina o le toasa i lana faita’aga (Faaaliga 18:2-3; 14:8).

O le a afio ifo le Agaga Paia ma le mana i luga o le au faamaoni o e “ua tausi i poloa’iga a le Atua ma le faatuatua ia Iesu” (Faaal. 14:12), ma i latou ua uma ona folafola atu le talalelei, faatasi ai ma le lapata’iga o le amataga o le faamasinoga, ma le valaaulia ina ia tapuai atu i le Atua Foafoa (Faaaliga 14:6-7).

I le feagai ai ma nei feau, e faafetai ai i le mana o le uaga mulimuli, o le a feagai ai le tagata soifua ma filifiliga i le va o ni avanoa se lua: o le taliaina lea o le faailoga a le Atua poo le faailoga a le manu feai (Faaaliga 14:9-11).

E toatele siuleo o le a alagaina atu le feau mulimuli, ma e toatele o e o le a filifili e avea ma nisi o le au faamaoni se’ia oo atu i le iuga.



“O le afio ifo o le Agaga Paia i luga o le ekalesia o loo tulimatai atu i ai e faapei o le lumanai, ae o se faamanuiaga le mauaina e le ekalesia i le taimi nei. Ia sailiili i ai, tatalo i ai, ma ia talitonu i ai. E tatau ona tatou mauaina, ma o loo faatalitali le Lagi e foaiina mai ai.”

EGW (Last Days Events, pg. 189)

“Peitai e leai se tasi na faia ia mafatia i le to’asa o le Atua, se’ia oo ina aumaia le upu moni i lona mafaufau ma le lotofuatiaifo, ma ua teena. E to’atele i latou e le’i mauaina se avanoa e faalogo ai i ia upu moni faapitoa mo lena lava taimi. O le galuega o le poloaiga e fa e lei tuuina atu i a’i latou i lona malamalamaga moni. O lē e suesueina loto uma, ma suesue i manatu uma, na te le tuua lava se tasi o loo fia iloa le upu moni, e faaseseina i mataupu o se finauga. O le poloa’iga e le tatau ona tauaso ai tagata. E tatau i tagata uma ona lava le malamalama e faia ai ma le atamai lana lava filifiliga.”

EGW (The Great Controversy, pg. 605)